

香蘇山館詩集

香蘇山館今體詩鈔卷十六

東鄉 吳嵩梁 蘭雪

百花香裏看春耕圖爲蔣沛奮員外作

男耕女饁自成村香透茅檐綠到門三日暖風花迸坼
一犁新雨水初渾籌邊相國銷金甲泥飲田家借瓦盆

圖爲隨侍襄平師撫粵時所作

聽說春陰桃李徧韋平世澤及兒孫

小別江村動十年畫中光景想依然翠秧幾畝纔針水
紅樹吾家已插天歸買鴉鋤寬厠地夢騎牛背穩逾船
香農自分堪投老只欠梅花二頃田

題楊雪椒比部金陵策蹇圖

壯游曾陟雨花臺
葉葉風帆樹杪迴
今日江山真入手
始知生面爲君開

丁字簾前泊畫橈
小樓夜夜聽吹簫
秦淮故事無人記
只與黃鸝話六朝

落紅幾點上春衫
楊柳陰陰綠漸酣
風雪灞橋吟太苦
詩人畢竟愛江南

莫愁湖少小倉山
四十年中往復還
誰信開元舊詞客
白頭飄泊尙人閒

緩步游山老亦能
翛然一杖倚紅藤
何年再入棲霞寺
同訪梅花樹下僧

書秀楚翹侍郎悼梅詩後

瓊姿絕代委塵沙
翠羽枝頭影又斜
誰道廣平心鐵石
銷魂一賦爲梅花

誤傳蜚語到娉婷
一霎罡風墜小星
惆悵羅浮仙夢斷
遙峯慘似黛眉青

莫將命薄怨紅顏

天語褒稱詎等閒

上諭有捐軀明志語

妾自成烟心是月
照君

歸度玉門關

玉簫再世定如何
梅影吟成月未波
頭白看花牽舊恨

一梢香雪淚痕多

余悼亡姬綠春有傷心一樹梅花影曾上仙人綈袂來之句又題其畫梅

遺墨詞云臘墨痕慘澹無多化了一梢香雪扶鸞首謂
姬再生言氏小名月姑當復歸余因作竹月樓以待之
今十有五年矣

題王石谷載竹圖卷

有序

圖爲素庵太僕索芬作素庵性愛竹其友黃尊
古自江南買竹數千竿以船載入京師石谷圖
此紀之蓋在康熙戊寅四月後至乾隆戊寅四
月歸益齋主人卷中有李鐵君處士沈歸愚尙
書題詠今爲臨川李春湖副憲所得屬余賦詩
扁舟滿載未嫌貪愛竹心情舊雨諳難得高人傳韻事
一蓬烟月畫江南

宿土深根遠更移此君沈醉不曾知龍孫一怒穿林出
剛及傾盆雨到時

團茅小結三間屋隙地寬鋤一畝園添種雜花籬落徧
綠陰如水瀉黃昏

林榭荒涼二百年檀欒相對尙依然借山題句飄零盡

只記霜鐘落枕圓

五字爲僧借山句
事見李鐵君記中

戊寅先後隔三朝諸老風流未寂寥今日晴窗披畫卷
一叢寒碧又蕭蕭

展重陽圖爲朱野雲作

百年佳節幾登臨瘦策寬鞋許共尋難得霜花能晚秀

況聞雛鶴有奇音姚崇報國憂方遠

謂亮甫中丞

鮑照耽詩

病已深

覺生

白髮餘生吾健在願傾桑落與重斟

鍾仰山學士邀同貴雲西侍郎鮑覺生詹事觀荷

小集

水光山意曉濛濛咫尺蓬萊

御氣通千樹涼生三

日雨一亭香受萬花風幽尋自愛敲烏帽爛醉何妨倒
碧筩可惜無人與吹笛畫船閒在柳陰中

西苑晚眺

天清地曠一塵無白塔紅牆入畫圖高柳絲垂風影活
大荷葉戰雨聲麤堤邊釣笠人初亂花外吟筇我未孤

連夜枕藤涼意足又將歸夢落南湖

題野雲小畫

山寺尋僧出谿橋曳杖過秋聲知漸減風葉已無多

澄懷園同許滇生侍講夜話

池塘倒影動樓臺臨水櫺紗面面開一夜雨添濃翠合
萬荷花遞遠香來嫩涼小卧移冰簟新句微吟把玉杯
此是琅嬛真福地湖山管領要仙才

伯仲平生數往還唱妍酬麗未緣慳移家今在雲霄上
借榻重來水石間三島俊游金闕迥五湖歸夢白鷗閒
卽看使節飛騰早莫似衰慵戀故山

許青士給諫擢肇羅道同人集尺五莊奉餞出都

海天前度記回槎重入羅浮願未奢宦味十分嘗荔子

山行一路趁梅花

君方乞假由浙赴任計程十月可抵粵中

壯游待補韓蘇

集仙耦新移葛鮑家難得弟兄持使節蠻山瘴水總清

華

令弟演生督學黔中

離筵日日厭笙歌偏愛山村載酒過紅藕入秋花事少

綠陰亭午水風多勲名此去收銅柱詩意當年畫柳波

若見故人憑問訊桐江吾已辨漁蓑

湖堤策騎圖爲詩舲舍人作

扇子湖邊驟玉驄朝衫香透藕花風尋詩我踏青鞋去

誰識頭銜領放翁

行年圖爲康臯中丞作

弱歲通三禮精研若有神由來經世手卽是讀書身小

戴傳家學康成得替人一燈青有味舊業悟逾新經庭學禮

孤櫂凌風雪天涯歲暮歸艱難扶旅櫬辛苦奉慈闈帆

影隨雲泊濤聲挾岸飛江湖迴昔夢暗淚一霑衣風雪歸舟

歸計知難定先謀屋數椽門圍陘口樹山接太行煙電

空關情切風塵寄跡偏升堂容拜母我舊誠平泉山陽僑寓

叔度稱都講風流亦可師傳經問奇字游藝及新詩後

進人才盛當年國士知門牆桃李樹已是拂雲枝彭門負笈

風土懷州美浮家已十春但容安畎畝何敢厭清貧布
穀催耕急春鋤掠影頻良苗方刺水一雨亦懷新春雨課耕
河岳臨空闊天寒振轡來寺留盤馬地人倚射鵬才曉
色彎弓月春聲落礮雷他年看扈

蹕還自木蘭迴

圜試獵

樞廷清似水永夜漏聲沈感激憐才淚紆迴報國心樹
瞻 溫室近花擁 御樓深沉有常楊侶新詩喜共吟

禁垣夜直

讀書兼讀律折獄自廉平明允能持法哀矜在得情三
章參史定八議引經成中夜徘徊立常聞太息聲官燭治書

絕塞名藩集秋高正合圍綬柔承

祖制中外仰

天威羽箭穿雲入神鎗著地飛近臣

恩最渥常得

賜鮮歸

木蘭隨圍

聖孝光天地

山陵饗祀虔千峯羅輦下萬馬踏雲邊

教澤豐都遠

貽謀瀉水傳

屬車看珥筆羽獵播新篇

遼陽扈從

疑獄成關吏矜全出

至尊冰霜持使節湯鑊貸游魂紫塞春風早黃河故道
存受 知從此始韓范荷

殊恩 榆關持節

災祲尋常有痼瘕念獨深蠲租

明主詔擲帶大臣心粥借桃花煮田憑燕子尋九州咸

望澤早晚沛商霖 薇垣仲屋

帝曰卿將母應紓愛日心

九重諮老福八座喜遙臨春共慈雲徧

恩同潞水深當年遺訓在晝荻可重尋 皖江迎養

弱冠論文地而今會列仙月明一池水松翠六朝煙鎖

院監秋試書燈記昔年名園吾下榻

前方伯陳東浦先生館余于此少壯

年懷舊亦悽然

勝園懷舊

講學承家法桐陰盡日清千花圍綺檻一鶴聽書聲若

自呼童煮詩因課子成鳳雛能濟美才雋已知名

桐陰課讀

幕府軍容整同觀射禮成高秋弓力滿官路馬蹄輕白

戰風雲氣青天霹靂聲太平修武備爲國選干城

射圃角試

梅花三百樹庾嶺手栽新自助山川色能迴天地春折

枝煩驛使覓句待詩人消息調羹近冰霜鍊此身

庾嶺補梅

丙舍松楸近新阡已自營樂天陶靖節遺世趙邠卿地

下雙親笑人間萬慮輕青山買無地我獨愴餘生

自營生壙

牛次原民部於廟市購得觀生閣指畫得魚忘筌

圖屬題卽次其韻

一夕秋風岸柳疏
寒沙淺水動清虛
此翁領會南華旨
得失關心不在魚

曠代鷗波一草堂
丹青妙不數徐黃
卻從指法傳三昧

仙蝶曾經畫太常

觀生閣舊有太常仙蝶圖

李樸園太守留別黃州唱和詩冊題詞

清衙舊領紫薇天
五馬雍容又一年
難得詩名兼政蹟
雪堂俎豆有坡仙

穿雲裂石裊餘聲
赤壁重來倍有情
爲奏鶴南飛一曲

綺裘腰笛悟前生

洞簫吹罷月如霜
羽客曾偕楊世昌
卻笑了綠緣未了

後身今又託柴桑

道士陶光斗自署了緣道人和詩先成

宦情已似白鷗閒
兩袖清風一櫂還
何事臨岐更回首

俊游難畫此江山

邁過才名世所稀
同年擢第讓郊祁
稱心樂事如君少

一撈簪花二妙歸

哲嗣伯仲同領是科鄉薦

倦游我亦苦思家
買屋桐江願太奢
天乞餘年容課子

白頭安分守梅花

書次原墮馬詩後

紫陌青春驟玉驄如今衰白各成翁
霜蹄暫失身先墜珠勒非關御未工
書榻兼旬容偃卧杖藜一笑謝王公
我來慰問攜樽酒杜老酣歌氣尙雄

書觀古主人詩冊後

藏園第一真知己七百年來許大家
鉅手摩天盤瘦硬枯腸得酒鬥槎牙
贊公微笑同參佛天女多情與散花
我媿韓門詩弟子憐才猶幸及劉叉

以琴香閣歲朝圖奉祝觀古貝勒兼示笠耕太僕
萬事逼人今歲暮十分春色讓鄰家
尋詩癖似陳無已知我貧惟鮑叔牙
難得名卿分俸米

謂桂舲
尙書

情無健步

送梅花

時欲購素心蠟梅不得

寒閨卻費閒脂粉爲染冰綃上畫

叉

惆悵

長安佳久漸如家酒可零沽米暫賒一事今年最惆悵
典衣無分購唐花

題孫子瀟太史席道華夫人隱湖偕隱圖卽次原

韻二首

隱湖春水綠年年只許鴛鴦上釣船涼月三更開檻坐
白雲一榻枕書眠同心曲按吹簫侶並蒂花開種藕田
認取鷗波林樹美始知趙管卽神仙

朝衫一脫已多年，身世真成不繫船。
新句飛來如晤對，故人幸未損餐眠。
鹿門此日真偕老，陽羨君家自有田。
惆悵小軒曾寫韻，綵鸞夫婦亦頑仙。

次韻答梁茝鄰廉使

夾路潺湲送使車，泉清猶似在山初。
防河舊策資前席，治獄餘閒愛讀書。
亭榭待攜名士酒，絃歌喜近聖人居。
幽尋湖上知多暇，十頃風荷畫不如。

爲政風流頌下車，更傳詩格繼黃初。
廉平已造窮簷福，慰藉先裁舊雨書。
岱麓君應搜斷碣，桐江我又夢移居。
此心笑比雲舒卷，碧海青天縱所如。

城南古寺愛停車妙墨爭傳上石初詩就共邀浮白賞
搗成先寄硬黃書名花勝地尋遺躅芳草開門感索居
記取海棠吾手種明年花事定何如
泥塗深巷屢迴車難得新涼薄霽初薜荔陰濃多入畫
芭蕉葉大已供書針砭妙手逢應少顰曉才名謝不居
賦價長門今日賤茂陵誰念病相如

戴雲帆悼蕙圖

渺渺星橋隔絳河清愁一夕掩雙蛾白頭偕老尋常事
偏是才人缺陷多

殘年風雪記辭家一紙泥金望豈奢底事孤山成夢識

巢居先已聘梅花

八載光陰半別離
萬行清淚幾篇詩
天涯風雨縱橫甚
不許飛花上故枝

幽花小影畫瀟湘
纔讀離騷已斷腸
便許蘭因能再種
黃門青鬢恐成霜

侵曉至華家屯湖中荷花盛開有小舟泊酒樓下
借以縱游

玻璃十頃嫩涼天
紅藕花開露葉鮮
曉色微侵沽酒店
清游喜借釣魚船
一篙秋影人如畫
兩袖香風我欲仙
好待夜深明月滿
解衣來就白鷗眠

寄張芥航河督

蒼生百萬切痼癰豪傑天教濟險艱今日奇功須障海
先生初願祇游山事因掣肘恩難報心爲憂時鬢
早斑何日天台眞買櫬萬桃花擁一柴關

分詠近畿古蹟同曾賓谷中丞作

酈亭

樂浪誅茅地臨流尙有亭秧針春雨細漁網落花腥我
欲攜農具還來注水經柴門無客到終日弄清泠

孫臏洞

石乳千鍾滴雲扉一炬穿河通古來穴日漏洞中天鬼

谷遺兵法房山守墓田路人指枯澗猶說馬陵川

樓桑村

亦是中興主村居此發祥濃陰如翠蓋老屋幾斜陽割
據違初願精靈戀故鄉成都八百樹爭似此樓桑

徐無山

五千家住翠微顛威惠當時著北邊絕塞功成先假道
衰親養薄合耕田不經多難歸無地誰識窮山別有天
見說陽公能種玉英雄畢竟讓神仙

朝鮮金西堂判書及其子秋史山泉置酒梅龕爲
余遙祝六十初度寄此奉酬

金剛雲氣接匡廬奇句飛來夢亦符天下幾人宗老杜
海東今日又三蘇紫裘腰笛能高唱白髮簪花願補圖
重譯同斟周甲酒生辰佳話古曾無

弓衣繡字壁籠紗中外虛名享太奢三島門生持使節

琉球使臣向邦正舊以人監肄業出余門下

一龕詩佛供梅花

申紫霞侍郎以詩佛見推

濟時願切酬無地學道年深望有涯茅屋香田堪送老
扁舟歸去定移家

朝鮮申紫霞侍郎書來推挹逾分並以紫霞山莊

碧蘆吟舫二圖及哲嗣小霞畫梅見寄次韻四

章

鴨綠江寒溯錦鱗清詩連歲往來頻文章自愧仍鸞掖
風味依然似鶴民得髓卅年參妙諦拈花一笑悟前因
蘇齋衣鉢平生舊願與蓮洋作替人

東國奇才多輩出讓君標格繼前賢看雲自寫王摩詰
踏雪能吟孟浩然滄海使星申後約君欲因奉使來昭草堂人

日話今年浪仙何福銷金鑄茶笋猶聞薦几筵

紫霞山下有漁莊知爲尋詩鎮日忙風雅一門關性命
鶯花四季入平章憑邀明月來林榭許借閒雲就葯房
著我畫中應不惡夢探梅信醒猶香

嵐翠溪光迸入城小齋剛似釣船橫每聞夜雨菰蒲響

遙咎空山鶴鶴聲臨水一簑紅葉亂下樓雙屐白雲迎
展圖便許尋詩去知有清緣締隔生

朝鮮洪海居駙馬都尉及其兄成伯憲仲以題表

忠錄詩文見寄賦謝

故事君家汗簡香豐山門第卽鄱陽才名早擅三珠樹
戚里先開萬卷堂祖武我慙承節義雄文真賴植綱常
吟聲遙想東西屋海水天風助激昂

次韻又爲海居題雙浦別館圖

渺渺平沙澹澹山斜陽細雨杳冥間白鷗飛去無尋處
惟有漁竿下釣還

看山終日倚高樓晚渡何人又喚舟
偏似富春江上客落梅花裏過嚴州

樓下風帆去若飛樓前烟樹綠陰肥
誰知貴壻如高士一櫂天寒載鶴歸

題朝鮮朴童子臨茶農所畫梅龕圖

南枝消息報東風向背橫斜態不同
慙愧黃金鑄詩佛一龕深坐萬花中

月中疏影水邊枝想見含毫得意時
傳得海東香一瓣茶農畫法澈翁詩

鶴秀才詩爲陳壻聽蕤作卽送南歸

人愛鶴標格吾知鶴性情高寒無媚骨疏越有奇聲月
下聞長唳松陰見獨行何時看健舉萬里羽毛輕
吾壻癯於鶴詩能爲鶴聲焚籠方戢羽霄漢已關情分
俸慙予薄歸舟載汝輕梅花疏影裏仙夢月三更

晚霽

久雨月初出清新倍往時幽光草螢發涼意露蛩知樹
影濃于黛茶香妙入詩石溪今夕夢歸與白鷗期

夜涼

佳月三更吐虛庭眾綠圍荷香侵水檻竹影畫羅衣倦
鵲棲烟穩秋蟬咽露稀夜深貪坐久風露下林扉

詩舫與閨人話西湖舊游

閒坐綠陰中新涼透綺櫺月明階下水花氣鬢邊風闌
閣論心久湖山託興同西冷吹笛夜曾記泊烏篷

月中觀閨婦小卧

簾紋平展碧玻璃庭院深沈小卧時微有笑容迴秀靨
更無愁緒入修眉月波全浸涼初透花影頻搖夢不知
風韻十分容細領隔牆休喚玉參差

題沈飴原簷事郊居圖

六曲紅闌俯碧漪輞川重畫右丞詩雲雖出岫高無礙
鶴已乘軒貴不知楊柳曉風人別後菰蒲夜雨夢來時

只愁北省承

恩重未許滄洲踐以期

樹擁柴門水到渠江村我亦賸荒廬久諳身世憂何補
纔信山林味有餘老圃黃花秋色裏連畦紅稻晚香初
扁舟只合隨鷗鳥細與樵青話釣魚

尺五莊小集同曾賓谷中丞

杖藜一徑踏蒼苔爲約清遊破曉來連日酒尊傾洛社
卅年花事感豐臺過橋水曲流偏緩出岫雲高倦欲迴
容得閒身銷冷醉風鷗雪鷺本無猜

哭鮑覺翁詹事

冰鐵肝腸耐濯磨偏因溺愛感沈疴

三朝孤立承

恩重七子雄才避席多自祭人爭傳

栗里餘生我亦厭東坡年年文酒追歡地龍樹荒庵一
慟過

哭陳秋舫殿撰

郊祁先後入詞林使節同時壽酒斟一第自知非絕業
千秋何肯負初心家庭極盛憂難繼骨肉纔圓病已深
頭白故人殘喘在遺詩手挾淚盈襟

哭姚鏡塘駕部

古心古貌古文詞冰蘖心期走卒知萬里衡文持使節

輩嗟同命羣公惜此才前宵聞噩耗風木有餘哀

一官謀養意原不計升沈復抱終天恨難酬用世心

恩殊憂未報

特旨准其捐復

君呈吏議名盛忌尤深衰淚年來盡

因君又滿襟

菊尊晚集呈曾賓谷中丞

風光十月艷東籬綠雪

菊名

初開第一枝晚節能香天意

厚素心同冷故人知百觥縱飲消今日萬事如花盛幾
時燒燭更忘吟坐久夜深重看影離披

許玉年孤山補梅圖

咸平廢宅水雪邊處士清風七百年遺墨幸無封禪草

上湖誰擢晚歸船
臨花香透三間屋
飼鶴寬求二頃田
我愧頭銜署梅隱
許餐冰雪亦臞仙

送姚伯山大令還任臨漳

萬言擲筆辭高第
一笠之宮駕鹿車
仙吏頌聲花縣早
故人風味菜根餘
別筵累日難銷酒
歸棹如山只載書
笑謝公卿拂衣去
卻將詩畫乞谿漁

寄壽李松甫年杖八十兼呈哲嗣春潮副憲

林卧六十載清詩
無日無交游半蓮
社漁釣只杉湖對
月杯先舉尋山杖
不扶笑看階下鶴
長大又將雛
年來身更健一事
不關心味道久逾
妙入山嫌未深蘭

臺東義訓綺席謝朝簪五字憑誰寄家書附桂林

嘉慶六年富莊驛有蜀中女史鵬紅題壁詩六首
趙君野航見而和之且爲譜鵬紅記院本八齣
屬題其後

故鄉遙隔馬嵬坡兵火飄零奈汝何題到小名知是讖
萬行紅淚子規多

飛英狼籍徧天涯怪雨盲風去路賒翻羨寒閨春晝永
膽瓶安穩供梅花

一枝玉笛譜清愁藉甚才名趙倚樓可惜未尋埋玉地
墓碑親與刻蘇州

杜宇聲中夜月高十分哀怨寄檀槽倚聲爭似西泠女

自畫青衫誦楚騷

杭州吳蘋香女史自製飲酒讀離騷新曲有喬影一折甚工

端木孝子詩

名心寅官文安縣主簿

祿薄能將母心柔善輯民天教酬苦節官不厭清貧廬墓精誠在旌閭令典新蓼莪吾久廢感涕爲斯人

澄懷園月夜同祁春圃田季臯兩編修作

午夜食涼坐移床近水涯月明隱高樹流照入荷花蟬噪有時歇鷗眠何處家一燈青隔岸知有釣魚槎

海棠再花

老樹多生意幽花更一開夕陽媚紅葉微雨澆蒼苔蝶

粉經秋退蛭吟向晚哀過時誰共賞太息此仙才

李村書屋圖

仙李蟠根地荒村屋數椽花明無月夜山斷有雲天詩

法韓門重書香鄴架偏紫芝遺澤在我憶過庭年先晉

山因元紫芝舊蹟建琴臺書院

聞曾賓容中丞乞假南歸奉東

秋風一夕憶尊鱸明月扁舟夢五湖投老自知臣力盡

救時難報主恩殊兵氛西北應全掃民氣東南喜

漸蘇但許清游娛晚節花時醉煞邵堯夫

卅載追陪大雅林每因譚藝度金針名山先我開生面

孤詣惟公識苦心彭澤閒居耽漉酒平山高會記題襟
箏琶願洗人間耳一聽黃鐘大呂音

送程晴峰山給諫觀察蘭州兼寄令弟芭堂太守

樞省蘭臺有盛名新持玉節領金城華林俯瞰資天險
河水東流度隴平敢以清時忘武備懸知絕徼徧春耕

籌邊任重開藩早棠棣碑還紀弟兄

華林山俯臨城西乾隆四十六年撤

拉逆回據之幾爲大患平定後議欲包山入城以費大
中止僅於山上置五墩臺然兵多則不能容兵少則無
以爲守使敵人得之居高臨下勢若建瓴是資寇兵而
齎盜糧也故太守龔君海峯之言如此惜無採以入
告者故爲
君備錄之

送劉筠圃中丞巡撫浙江

江南桃李手栽成歸領秋官庶獄清每以寬和持大體
不將矯激市高名千花夾路香風草一鶴隨身聳舫輕
遙識白蘇能繼美西湖絃管總仁聲

題襟廿載感前因雞犬圖書況結鄰折節久忘名位重
論詩偏許性情真山尊雁宕穿游屐水愛桐江下釣緇
我是南昌徐孺子移家終願作州民

寄張芥航潘芸閣兩河帥

千艘啣尾浪花中來水金堤卧綵虹河運飛芻糈國
計江鄉收漕賀年豐風濤靜鎮才原大冰炭全銷論最
公自古名臣須共濟天心終始鑒成功

夢中晤馬秋藥翁云安明寺有異人約共訪之沿

溪入山聞鐘而覺亦不知寺在何處也

見說龐眉叟幽居在石林餐花無世味卧雪有仙心秋

藥翁猶健安明寺可尋

二句醒後遺忘補此

一筇黃葉路杳杳萬

山深

夢泛桐江作

富春山下願攜家縛箇茅庵近水涯沽酒偶然移櫂去

一江明月動梅花

雨後

傾盆雨過又斜陽庭院秋涵水一方爲愛空明凭檻久

萬花倒影似空塘

寄伊犁農中丞

廿年同冷宦萬里撫邊陲分已丹青隔心惟皓月知精
誠天可鑒妙手國能醫卻憶城南舊殷勤寄小詩

寄懷津門諸同好

札邳庭運使

網船飛雪海潮迴萬寵歡聲動若雷不潤民脂原亮節
能紓國計始奇才西湖柳記因君折東閣花應爲我
開今歲團欒惟此夜願邀明月到深杯

鄭夢白觀察

高樹寒烟帶晚鴉津門非復舊豪華天教循吏今持節
民入豐年漸有家萬事別來惟鬢雪一樽相對又梅花
富春山水容偕隱鶴俸能分望未奢

姚蘭展迎同

小謫蓬瀛二十年卻將散吏換臞仙官階已比黃堂貴
廳事翻疑綠野偏煮海才高推鉅手買山計拙負香田
君家伯仲論交久花萼吟成合補編

楊雲在大使

才福難兼擅風流讓此君寒閨多麗句下吏有高文把
酒招明月論心贈白雲鷗波成小築翰墨願平分

題畫

萬壑奇峰翠插天
白雲紅樹斷橋邊
新詩覓向無人處
只許閒鷗上釣船

山色溪光遠近青
賣魚歸去繫空舡
此翁睡殺秋陰裏
除是幽禽喚得醒

杖藜昨上最高峰
一笠寒雲兩袖風
歸覓小溪沿路去
泉聲已在翠微中

香蘇山館今體詩鈔卷十六終

香蘇山館今體詩鈔卷十七

東鄉 吳嵩梁 蘭雪

立秋次儀邸鄭邸唱和詩韻應教

樹陰閒立水邊行一葉先秋墜有聲紅豆詩拈新句出
碧筒酒爲故人傾投桃客至登盤重賣藕船來蕩漿輕
妙墨倩誰傳畫蘆花立鷺柳藏鸚

內子以蓮花十丈藕如船句繪圖爲鄭邸壽蒙詩
枉謝謹疊前韻應教

太華峯頭記昔行天風吹度玉簫聲高花十丈紅雲坼
仙露三霄翠蓋傾畫許鷗波同筆妙歸從鶴背想身輕

寒閨鄭重稱遙謝傳語文窗倩綠鸚

管異之孝廉書室產芝一本

管子研經處華芝此結胎吉祥發文字天地與栽培晚
秀原無匹孤生亦可哀枯榮關氣數爲汝惜仙才

書蔣藏園先生所撰新城高孝子墓銘後爲陳石

士閣學作

孤兒失怙愴髫齡夢裏呼孃泣又醒獲見慈顏纔破涕
誰知旅鬢已全星神魂依戀三年住風雪辛酸五塞經
白髮黃泉無隱憾陳公高義

謂尊甫約
堂姻丈

蔣公銘

瞿子臯太守補畫春秋扈

蹕圖屬題

嚴裝萬騎壓明駝 講幄詞臣緩轡過
青石梁高穿峻嶺烏灤水急渡長河
三盤我願看山近五馬君行繼闕
多早晚龔黃徵入 覲賡詩應許繼卷阿

送夏慈仲大令之官太原

一笑今辭計吏車秋風匹馬蒞官初
烏臺先世承風紀綵服全家奉板輿
飲水無多心共喻栽花第一蠹先除
此行眞作親民吏莫倚才名厭簿書

盧容庵學士七十初度

定交四十載樽酒共藏園行誼相師友
情親若弟昆黃扉官最近白髮道逾尊
欲問長生訣窮經卽本根

一疏培元氣

先皇御極初祥和能感召稂莠自銷除繡斧廉威重綱
船國計舒還朝無長物只載五車書

睢州請從祀衛道卽名賢一序嵩談錄千秋洛學編午
橋花覆水太室翠鏡天想見持衡地春風被管絃
己未淵源盛同朝半鉅卿天教昌位業人足重科名文
字傳桓郁門牆有伏生瓊林重宴日我亦願稱觥

書劉孝初詩卷

河岳嗟寥闊風雲自卷舒此才猶未達吾道竟何如紫
海鯨翻後青天鶴唳初賞音懷鮑照君出覺翁門下衰淚一霑

裾

葉雲素侍御種菊圖

一鋤明月一畦烟不種花田種菊田功與樹人同長養
心能濟物卽神仙岩花艷發龍耕地澗草香侵鶴飲泉
我愧散才無用處但求苓朮貺衰年

趙菊言京卿觀海圖

君才大於海放眼亦千秋尾 蹕臨鯨島裁詩倚鳳樓
神仙原我輩富貴亦浮漚便擬乘槎去青天許縱游
夜半游東嶽曾登日觀峯丹霞燒半壁紫海盪吾胸讀
畫增奇氣臨流想勝蹤六鰲知入手把釣自從容

九月十六日第三男以晟周晬潘芝軒少宰李芝

齡少農顧南雅學士張覺庵編修小集寓齋有

作

再索居然又得男衰年蔗境漸回甘才名何敢希三鳳

家學還應守二南老圃黃花邀共醉上林紅杏望重探

晬盤先與傳衣鉢留與吾儕作美談

少宰以近刻館閣詩賦見貽

芝軒先生以粉社奎光詩卷屬題次韻四首

主客圖成異等常文星卿月萃江鄉歐蘇門下稱多士

沈趙年來喜對床

卷中家棣華謫人兩殿撰皆出公門下

竹葉細傾同社

酒梅花深擁讀書堂遙知密坐聯吟地珠玉騰輝劍吐

芒

重聞

召對入延英早注金甌第一名三館人才皆

後輩六官領袖先生蓬萊敢望新衣鉢風雅還兼古
性情早晚看花陪杖履笑攜雛鶴下階迎

連朝風雪滿長安六山飛英點玉盤白傅交情投分久
黃河絕唱繼聲難集成一品流傳早胸有千秋進退寬
領取寒香娛晚節懷人詩就又憑闌

風味依然似冷官竹籬花徑與盤桓新詞久已傳紅杏

澄酒還同泛綠蘭仙侶三朝論出處浮生幾日異悲歡

棟華昨甫乞假
藹人已歸道山

聚星堂下今宵月猶與家山一例看

雪後張稼村農部邀飲延青閣望西山同茶農作
昨夜三更月寒風逼曉嚴山情遙入畫雪色滿侵檐高
樹花頻落迴廊粉半黏一尊邀共賞新句與重拈

茶農爲朝鮮金山泉儀部作富春山圖且錄余夢
中近作于後屬題其卷

仙句拈來夢未閒卧游重認舊柴關一竿明月隨搖艇
九里梅花導入山飛札遙傳滄海外移家終在翠微間
釣臺烟雨龍潭水詩畫何妨互往還

寄答朝鮮申紫霞侍郎

海東知己若比鄰同是蘇齋得髓人丈室天花參淨妙

對床風雨話酸辛雲濤萬里相思字著述千秋健在身

寄語白頭潘騎省莫教吟苦又傷神

君時悼亡

題倪竹泉觀察同年鷺江留別詩卷卽送出都

鷺江秋水照旌旗述職爭看入觀時三錫恰逢

新凱唱

回疆初平

九重猶念舊瘡痍

謂臺灣近事

民情久願

輸蕉布宦味深嘗愛荔支教養恩深忘不得玉屏書舍

木蘭陂

君修玉屏書院復木蘭陂水利

黃鶴樓登四十年論詩曾愜定交前一尊重對頭俱雪

七字飛來句欲仙報國奇勳收晚節同時執政萃名賢

枝官投老容腰笏合採風謠被管絃

喜晤陳秋河大令卽送歸臨川

杏花微雨溼春旗循吏聲名報最時勤以戴星忘事冗
清惟飲水畏人知尋秋自拄看山笏覽古重臨洗墨池
我是部民心折久潁川惠政道州詩

傳來佳句似芙蓉十載離懷一笑舒風旨平生多蘊藉
性情吾輩共蕭疏士知講學民安業妻解吟詩子讀書
用集成就仙才天意厚范韓勲望較何如

送董棐南太守之官昭通

金沙江遶鳳凰山路出奇花惡菁間諸葛威名綬六詔
相如經術化諸蠻銅岩歲久菁華竭鹽井商貧轉運難

撫馭懸知多偉略
峒民歌舞戍兵閒

藝蘭圖爲樹齋編修作

一蒲團地慧香多
微笑拈花意若何
能借畫禪參妙諦

老夫門下有鷗波

蘭爲浣雲女史所畫
門人余芝衫淑配也

賓谷中丞邀集花之寺看海棠

尋春恐負城南約
風息今朝喜正開
三寶護持惟佛力
萬花矜寵此仙才
放翁苦憶成都客
坡老曾游定惠來
一盞莫辭同日醉
紅粧白髮共低徊

郭母吳太宜人七旬壽詩爲蘭石編修作

平生不愛綺羅香
慈儉爭傳教子方
妙以調羹參道味

先從補袞授文章
冰衡奉使三持節
玉筍添孫一舉觴
遙憶東籬花似錦
萬花含笑展重陽

緯車聲歇誕生時
卅載辛勤兩鬢絲
祿養中朝甘旨足
才名曠代顯揚奇
孤甥受室完心事
三鳳將雛接羽儀
天以恩華酬荻字
公卿羅拜女宗師

喜晤張延庚明府

一筇穿破皖江雲
鸞鶴飄然覓舊羣
仙吏日邊方報最

時以卓薦入觀

才人膝下又衡文

哲嗣詩船典試閩中

九華洞室傳經

久君前官無

三泖漁莊入夢勤

與余同受業于王述庵師

多病我慙

衰白早高才
晚遇總輪君

送詩舫農部典試閩中

綵毫同染鳳凰池，樞省酬庸領度支。陸贄早攀丹桂籍，

宋郊傳唱落花詩。

考差題爲落花水面皆文章

七閩絳節掄才地，三

泖盤輿就養時。歸興門庭增盛事，參天玉筍是孫枝。

海徼千峯積翠迴，虹橋親度使星來。金沙細揀憑眞賞，

珊網冥搜出異才。學講武夷精舍舊，書成夾漈草堂開。

白頭共訂名山業，爲我殷勤訊老梅。

謂陳梅修太史

張忠烈公造硯

公名煌，定明末奉魯王舉義兵，被執至錢塘殉節。事見黃黎洲全謝。

山雨先生集中

義兵一潰海天沈，于岳功名感獨深。

公有句云：日月雙懸于氏墓，乾坤半

壁岳家山歿後卽
葬于二公墓間

鸛鵒至今留淚眼
魚龍當日助哀吟

湖山能壯千秋色
鍊石難磨百鍊心
玉帶生存應合傳
摩挲手澤又霑襟

病後東謝何澹庵明經

詩腸錦繡已成灰
妙手春風替挽迴
人訝三生逢小劫
天教二豎避仙才
胸中明月仍圓湛
身外浮雲自往來
從此澄觀銷熱惱
冰蓮花爲善心開

屠修伯栢庵讀書圖

潛園

尊甫琴塢
晚年自號

有才子萬卷坐圍身
縱飲狂通俠耽詩

瘦人神慈烏謀養切
匹馬赴官貧卻喜趨庭近湖山在

比鄰

時以鹽經歷告
近當官兩淮

一角吾廬小白雲
迴望深方流
臨玉水直節聳
瑶林薄宦才須歛
名山夢許尋
千秋關出處
願汝守初心

補題陳鍾溪少寇雙帆使節圖

江擁金山出雲隨絳節
來同心占利涉生面與重開塔
影三霄迥濤聲萬里迴
東坡臨眺地攬勝有仙才
佳話十三載低徊直到今
畫圖營慘澹詩境寫雄深
印雪鴻留爪鳴皋鶴繼音
名山吾別久感舊一長吟

送陳服耜大令簡湖南

一櫂湘江綠風帆人九疑
旨甘榮養早山水宦游奇
捧

檄甘毛義簪花讓宋祁家承循吏傳持以報清時

同琴香閣聯句答朝鮮淑善公主

鳳女瓊爲字緘題託使槎

蘭雪

閨中傳麗句海外附通

家

琴香

開卷雲猶溼停琴月正華

蘭雪

素心願相照重

與寄梅花

琴香

送張茶農大令出宰博平

三絕才名二十年槐陰老屋夢初圓宦游去作親民吏
行李猶資潤筆錢學博早知儲武庫心清只愛飲文泉
白溝新漲風帆利妻子圖書共一船

雄封曾領古通侯表裏河山足壯游繡野耕春銷戰壘

歸裝如葉承 恩重千樹桃花擁櫂過

自笑雲泥分太懸一尊許附大羅天喜逢絳節趨朝地
追話青衫拜母年名世經綸真富貴等身著述大神仙
願公調鼎功成後洛社風流繼昔賢

送富筠圃觀察之官陝州

鄭公餘事作陰何每爲論詩載酒過持節春風隨路滿
下車甘雨應時多三峯雲翠開中岳九曲桃花泛大河
計日旬宣朝寄重甘棠蔭裏頌菁莪

楊誠村通侯枉過寓齋以近詩及畫蘭見贈

二楊時齋海內服威名茅土先邀曠代榮身與六師均疾

苦天教一德契精誠弓衣傳唱詩無敵盾墨飛騰畫早
成我愧苔岑同氣味願將小草死平生

送戴春塘廉使乞假南歸

七旬猶健飯一笑已抽簪有子承家學扁舟返故林青
山吾未買白髮早相尋九里梅花發迢迢寄此心

送制府琦靜齋先生移督四川

益州形勝控華夷帝簡雄才重鎮移絳節三霄辭
岱頂青天萬里入峩眉治無求速民先靜心以推誠吏
不欺此去籌邊多偉烈辦香爭拜武侯祠

紅藥花前酒一盃鳳池難得更追陪化行火耨刀耕地

身歷雲林雪棧迴政幕文翁先講學詩非杜甫敢論才
草堂許借橋西住親逐元戎小队來

豐臺芍藥最盛開時卽爲賣花者剪去家霽峯中
丞先期留花一日且攜酒往觀歸而分贈詩以
紀之

壓擔名花入市來俊游誰復訪豐臺先生昨試迴春手
留取羣芳佐酒杯

雲水中間隙地寬綠陰小坐愛團樂膽瓶縱插紅千朵
爭及花田自在看

大朵繁枝價未輕金錢笑擲亦多情香風一路攜花去

蜂蝶隨人又入城

春色平分到幾家
湘簾渠几頓清華
今年盛事逢人說
飽看豐臺婪尾花

黃穀原靜坐圖

一靜息羣動蒲團坐
欲穿身雲隨處滿
心月定中圓
六法原餘事
三生了夙緣
我來參妙諦
無礙卽詩禪

南雅同年屬爲其弟費洲題竹趣圖

二十三年幾合離
檀欒樂手種
記當時自鐫綠玉
題新句
應和東坡感舊詩

阿兄薄宦滯京華
拄杖敲門夢到家
壽骨遙知同老健

種菖蒲又種梅花

自題梅龕詩佛圖寄答朝鮮諸君

瀛海詩人善琢磨結龕新奉病頭陀十年面壁心同苦
一笑拈花悟已多金鑄居然推賈島瓣香難得配東坡
冰銜儂愧稱梅隱合畫桐江舊釣蓑

陳芝楣太守閒園圖

江南領袖推吳郡太守如何得暫閒民氣早培耕讀後
仙心多在水雲間春風萬樹花成海明月三更鶴守關
一事卻嫌忙未了新詩纔定又重芟

桃李門牆徧綠陰回廊小徑耐幽尋須知救弊調元手

卽是焚香掃地心才大不曾嵇案牘夢清偏愛入山林
似聞主客傳家話韋白風流直到今

潞河舟中喜晤陳芝楣觀察卽次見贈原韻奉酬
文章骨肉感平生刻苦論詩亦性情壇坫人推蘇玉局
江關我愧庾蘭成芰荷夾岸千帆集風雨連宵一榻橫
濟物也思求寸補肯拋心力換浮名

殷勤送別小舟拏回望天涯又海涯三泖懷人臨水榭
一龕拜佛供梅花劍門笑擲凌雲筆鰲背歸乘貫月槎
漁隱桐江吾願足讓君使節壯游誇

蕭梅生參軍 令裕 寄廬燈影圖

機聲書聲斷復連風雪夜深人未眠貧家萬事白雙鬢
老屋一燈青十年營巢小鳳影初戢反哺慈烏心可憐
且爲萊衣拋手版笙詩合奏渭陽篇

凌厚堂註經圖

讀書萬卷妙通神著述居然富等身以我註經經註我
是人磨墨磨人傳家盛業劉中壘稽古高名井大春
知己平生酬未得

謂朱文正公

淵源追溯一霑巾

早專樸學斂才華奇字誰邀載酒車閉戶精研忘歲月
堆床故紙盡烟霞同心仙耦原雙壁妙手名山自一家
珍重綵鸞唐韻本莫教塵網浣簪花

題小紅雪樓圖卽送蔣小榭之官粵中

詩壇海內奉藏園我愧論交祖及孫四十六年詩弟子
梅花相見也銷魂

南海曾經艤釣槎葛洪投老未移家夢騎仙蝶從君去
飽看羅浮萬樹花

張亭甫夢游天台觀飛瀑圖

銀龍破壁山俱舞赤日當天午亦雷雲路十年君暫失
君至山麓遇雨而回石梁三度夢飛來我觀瀑布探源去曾陟匡
廬絕頂迴供奉未歸頭易白卧游能到卽仙才

次韻答葉小庚司馬

王程萬里感經年
新句鍾鑪愛自然
潞水重來攜伉儷
蓬山曾到總神仙
竹林交附青雲晚
謂令姪芸卿吏部
棠棣碑
看紫禁傳謂哲兄芷江觀察
異日風塵容負弩
一尊話舊亦前緣

送湯茗孫舍人乞病歸臨川

卅載心驚博浪椎
蓬山已到又風迴
雕龍鉅製傳應早
病鶴長吟聽愈哀
調藥青裙諳疾苦
倚閭白髮望歸來
一官何與千秋業
爭爲樞廷惜此才

西掖同官又十年
文章交分兩纏綿
腐儒敢建匡時策
生計惟資賣賦錢
先世名花培玉茗
故山春釀煮紅泉

香楠峯近鄰堪卜種水難求二頃田

潘芝軒先生舉第二孫名曰祖同蓋先生以己丑
及第榕臯丈于今己丑重赴瓊林自賦九言古
詩屬書其後

丹山雛鳳有清聲又報桐孫次第生神骨定知憐叔寶
手文難得繼康成九旬再赴瓊林宴一甲先題雁塔名
肇錫莫忘葵訓美願將家學溯韋平

送朱丹木進士試令安徽

君詩經百鍊生面力重開以此求民隱真堪見吏才清
風銷案牘膏雨善滋培吾有黃山約探奇願一來

送黃東園太守之官閩中

黃鶴樓前舊艤槎，海天領郡又清華。
次公政蹟同千載，叔度風流自一家。
丹荔飽餐新摘樹，綠蘭香浸舊開花。
雲山到處皆奇勝，宦味如君亦太奢。

游西山歸同曾賓谷丈話舊

一年詩話兩西山

南昌亦有西山

瘦策寬鞋恣往還，腰腳已輸

當日健水雲猶共此心閒。
杜岑高格公能繼，禽向清緣
我未慳。畢竟故鄉鄰易卜，早尋勝地結柴關。

石景山

壯麗昔聞金閣寺，荒寒無復玉泉亭。
我來雙鬢蕭蕭白，

重對千峯莽莽青闌豎何人容佞佛洞天此處記藏經
聖朝疏濬資良策河嶽崇深總効靈

題嚴子通比部煙江唱和圖

挂帆遙指妙高臺萬頃烟波一櫂迴丹嶂浮圖疑湧出
青天奇句訝飛來俊游難得真同調綺歲爭誇不易才
我亦聯吟記京口銀鈎響榻徧蒼苔

予與曾賓谷翁舊有京口三山聯句

詩王夢樓先生書碑今在焦山

十憶詩成送畫橈離愁黯黯夢迢迢

乾隆癸丑客袁浦令伯祖歷亭先生

爲余題新田十憶圖詩最工

論交愧我逾三世攬勝逢君話六朝風

月齊名追颺臚

謂與令弟子容

江山得氣在金焦展圖何事低

徊久中有懷人淚未消

十一月初二日 養心殿引 見以貴州黔西

州知州用恭紀二首

鳳池鴈侶已雲霄 恩重何辭叱馭遙
人海卅年行萬里 天顏四覲感

三朝冷官冰蘂心原苦新婦羹湯手未調
幸有六賢模範在西林鋏柱望岩堯

絕徼荒城領一州農桑學校費咨謀願因撫字求良法
敢以山川侈壯游星斗迴瞻天北極梅花親種水西頭
訟庭寂寞文書少紗帽還容對白鷗

題潞河歸櫂圖寄顧晴芬先生

門藏修竹水成渠鄉夢年年覓舊廬

公舊有柴門六竹圖

歸計畧

遲因戀闕病身未老欲懸車文章妙選人才盛經費深籌國用舒盼得九龍山色近蕭蕭白髮已楹梳

朝衫初脫換漁蓑裊裊風帆發潞河留米惠分天庾厚壓船恩重賜書多金甌枚卜公應出綠野堂開我願過慙愧一官今萬里替傳新句到諸羅

卓海帆少京兆二圖

靜者原多妙悠然會此心天真觀爛漫物理悟浮沈暖雪飄盈砌香風舞出林卽看兒戲地高樹又成陰

閒看兒童

花柳

青天削出玉芙蓉飛瀑浮雲俯萬重星使來經奇秀地
靈臺笑指最高峯似聞消息傳青鳥定有仙人跨白龍
二十年前詩境在卧游今日更從容

華嶽雲開
立馬看

蔣濂生比部金陵過庭圖

節旄坐鎮龍蟠地詩禮趨承鯉對中黃閣韋平傳世業
烏衣王謝有家風仙才妙補循陔句嘉耦新添佐讀功
計日樞庭還上相異聞私喜話江東

次兒以昭哀詞

撫汝恩勤已六年如何背我入黃泉平生瑣事思量徧

越樣聰明越可憐

須與忍痛別全家肺腑薰蒸切齒牙災難人閒無此酷

火坑親見葬蓮花

以誤服補藥痘殤

丹山枉說鳳將雛執卷依依上學初几案傷心陳跡在
十三經字讀殘書

青燈一點五更霜謔語微聞喚阿娘曾傍枕前談故事
自稱溫被學黃香

富春山下未移家小字先呼願太奢猶記抱兒窗下坐
解吟紅意在梅花

手把花枝笑索扶丰神韶秀骨清癯如今少個團圞影

怕展家園內集圖

汝翁心事已成灰
汝母肝腸寸寸摧
汝若有靈能慰藉
金環約定再探來

鄭邸石琴主人以詩帖寵貺兼荷饋歲臚行賦此奉謝

新詩風味逼中唐
妙墨微聞晉帖香
都桂見齊書並時推
著述應劉今日在
門牆八珍俊味宜
銷酒萬里修程念
束裝爭比送窮韓
博士馬前迎拜北
平王

大雅平生奉楷模
雲泥不計分懸殊
敢參鴻寶修書祕

會上仙源積慶圖

主人同定邸充館總裁蒙以纂修奏請優叙

玉牒

雪苑天

寒邀授簡山城地僻愧分符宦成若許歸田早願種梅
花領鶴雛

朝鮮趙芝園從事以詩送余出牧黔州賦此爲報
一樽相對兩華顛萬里論交已卅年唱和重拈新句法
鬚眉爭認古神仙梨花發行春地鴨綠江迴下水船
我愧匡時無偉畧詩樓添築夜郎天

黔中舊有
太白樓

答朝鮮行人姜星沙侍御趙游荷各一首

使節先春到停驂過草亭探懷收古錦摘句比華星歸
權揚鯨海家風記鯉庭知君才力健高詠入三溟

鳳凰臺下路懷古發高吟半月城名留荒堞孤雲琴名愴斷

琴嶺花傳信早
洲草寄情深
各有千秋淚
臨岐更不禁
又題海東樂府後

伽伽遺曲感人多
一笛居然息萬波
從此龍標傳樂府
大同江水卽黃河

香齋山館今體詩鈔卷十七終